

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. IV. Corollaria.

[urn:nbn:de:hbz:466:1-73455](#)

Respondeo in illa hypothesi intellectum Angelicum fore secundum quid imperfectorem, quod actu careret speciebus alia à se representantibus; simpliciter tamen perfectiorem, quia & scilicet modo longè perfectiori cognosceret, & haberet radicalem inclinationem at capacitatem ad habendas species longè perfectiores, quam conveniat natura humana.

10. Objecies tertio. Objecta sensibilia habent efficaciam ex se diffundendi species sensibiles: ergo etiam objecta intelligibilia habent efficaciam ex se diffundendi species intelligibiles in intellectum Angelicum.

Respondeo negando paritatem. Nam potentia sensitiva seu materialis, sicut ab agente materiali fuit producta, ita etiam subest activitatibus objecti sensibilis materialis, adeoque per educationem specierum sensibilium ab eodem immutari potest: at intellectus spiritualis Angelii, sicut consequitur actionem creativam DEI, ita à nullo extrinseco agente quam DEO se patitur immutari.

11. Objecies quartu. Sequeretur primò. Angelum habere ferme infinitas species, cum ejus cognitione veretur circa objecta propemodum infinita. Secundò. Angelum naturaliter cognoscere futura contingenta & secreta cordium; ea quippe naturaliter cognoscit, quorum inditas habet species naturales; sed habet etiam istorum objectorum species inditas: ergo.

Respondeo ad 1. plura objecta Angelo per unam speciem repräsentari v.g. omnia individua Leonum per unam speciem repräsentativam rotius naturæ Leoninæ, &c. unde non sequitur ilatum.

12. Respondeo ad 2. negatâ utrâque sequela distinguendo majorem probationis: eorum habet naturalem cognitionem, quorum habet species, si adiunt conditiones ad objecta in actu secundo repräsentanda, concedo, feci, nego, quales autem sint illæ conditiones constabat ex disput. seq.

§. IV.

Corollaria.

13. Inferes primò. Species Angelicas non fluere ad instar proprietatum ex Angeli essentia: ita

colligitur ex verbis Doctoris Angelici inf. q. 8 a. 1. ad 3, & a. 3. in C. dicentis: Ita species esse ex influentia Divinitutinis participatas & influentes.

Ratio est primò. Quilibet essentia est ab intrinseco determinata ad suas proprietates: sed Angelus est ab intrinseco determinatus ad suas species: ergo illa non se habent ut proprietates. Minor probatur. Angelus non est magis determinatus ad species, quam ad cognitionem objectorum, sicutem species, ut essentiale imago sui objecti, derivat cognitioni, & datur propter ipsam; atqui Angelus non est ab intrinseco determinatus ad cognitionem horum objectorum: cum objecta sint à DEO libere positi, destruibile, & multiplicabilia in infinitum: unde quod Angelii habeant cognitionem, & species rerum omnium in hoc mundo existentium, provenit ex suppositione liberi decreti, quo DEUS voluit condere hoc universum, tot talibus species in structum, in eoque Angelos collocare: quod si vel extra omne Universum, vel in alio mundo Angelos condidisset, etiam illorum objectorum species non acciperent. Nec proprieates recte dicuntur proprietates Angelicae, cum proprietas essentiae necessaria, immutabiliter, & ab intrinseco comparet.

Secundò. Proprietates se tenent ex parte essentiae, ex qua tanquam principio emanative possunt; econtra species intelligibiles tenent ex parte objecti, & ad essentiam seu intellectum Angelii tanquam ad potentiam pure passivam, & de actuabilem comparantur, non igitur sunt ipsae proprietates.

Inferes secundò. Species tamen recte dicuntur gelo connaturales: non quia ab essentia Angelii sunt, et à principio emanativa; sed prout quidem, quia perficiunt intellectum Angelium, tanquam potentiam passivam à se connaturales perfectibilis; Secundò, quia à DEO infinitum juxta intrinsecam exigentiam naturæ Angelii, quia propter suam summam perfectionem per intellectuam potentiam capacitas ab initio creationis sit per formas intelligibiles simul explicita in actu primo completa. Quae objiciuntur, sunt, & à Philosophis in Tract. de anima plurim solvuntur.

ARTICULUS II.

An perfectior Angelus habeat Species universaliores?

S U M M A R I A.

1. Notio universalitatis in specie intelligibili.
2. Ejus possibilis ostenditur.
3. Talis species dicit perfectionem.
4. Angelus intelligit per species universales.
5. Perfectior per universaliores.
6. Universalitas in essendo est imperfectio.
7. Non sequitur, quod Angelus omnia possit cognoscere per suam substantiam.
8. Species intelligibilis sumit unitatem ab objecto in esse objecti.
9. Quid dicendum in casu, quo DEUS crearet inferiores Angelos?

§. I.

Exponitur universalitas Speciei.

Non loquimur de universalitate cognitionis ex parte objecti, & naturæ cognitæ, per quam natura communis à suis inferioribus præcisa cognoscitur, id est universalis in elleno denominatur: sed de universalitate cognitionis ex parte medii cognoscendi, sive speciei, per quam una eademque species plura objecta, & quidditates specificas secundum ultimas eam differentias clarè & distinctè objecta cognitioni, id est dicitur universalis in repræsentando.